

Cracoviensis Stud. Univ. Facult.

Promotiones Philos. Oris.

1648. mense Aprili



1143

Matkomp.

L. Mag. S. S.

P

Kostirewowski Sim. Hgaisuthi: Novem  
laureata addita, recens in Coelo  
Academico exorta.



Biblioteka Jagiellońska



stdr0001102





NOVEM  
LAVREATA  
SIDERA,

Recens in Cælo Academico exorta.

SEV

Carmen Gratulatorium,

*Quod*

VV. IX. Adolescentibus Artium Liberalium  
& Philosophiæ Candidatis,

*Dum ab Excellentissimo & Doctissimo Domino*

M. FLORIANO LEPIECKI

Philosophiæ Doct: & Professore,  
Collega Minore,

*In Peraugusto conspectu Areopagi Academici, primâ  
in Artibus & Philosophia Laureâ*

ORNARENTVR.

Cecinit

SIMON HYACINTHVS KOSTRZEWSKI,  
*eiusdem Laureæ Candidatus.*

Anno Domini, 1648. Mense Aprili. Die

# IN STEMM A

Per antiquæ Domus


OLESNICIANÆ.



**D**ELICium mundi, Superum decus, arca salutis  
 Crux hæc purpureo sanguine tincta Dei.  
 Stemmata OLESNICIO rubuit; nam sanguine fuso  
 Repressit Domus hæc castra inimica Crucis.  
 Quis neget ergo polo stirpem fluxisse beatam?  
 Cui proprium superi Stemma dedere chori.

1143 I





Illustri, Generoso, & Magnæ spei Iuueni,  
**D. S T A N I S L A O** de **O L E S N I C A**  
**O L E S N I C K I,**  
**S V C C A M E R A R I I** **S E N D O M I R I E N S I S,** &c. &c.  
**F I L I O,**

Magni Zbignei de Olesnicá olim S. R. E. Cardinalis &  
Episcopi Cracouiensis dignissimo Atnepoti.



*Non debes mirari Illustris & Generose Domine, quòd pauca  
hæc in orbe Academico recens exorta sidera meo tenui de-  
picta calamo, Tuam potissimum lucem feliciter in Aca-  
demicum Horizontem illatam colant & venientur. Non po-  
tuerant enim non meminisse, ut primum Te Domui Olesniciana pignus  
carissimum conspexerunt, umbras Academica Scholæ non modicum splen-  
doris olim ab Atano Tuo ZBIGNEO Cardinale recepisse: cùm & ere-  
ctionem illius apud D. Iagelonem vehementissimè promoueret, illam quo-  
ties opus esset tueretur, & quòd nomen nouelli studiij propagaret senten-  
tiam Academicorum de Hereticis Boëmis vrbe eijciendis Prasulea autho-  
ritate, spreto Regia offensionis periculo, approbasset. Quòd si vniuersa hæc  
memoratu dignissima sunt, meritò quidquid ab Atano Academia præsti-  
tum est, totum hoc in Atnepote Ignes isti orbis Academici suspiciunt, &  
qua possunt rependunt gratitudine. Cogitabis igitur cùm Tuum splendo-  
rem cominùs accedere præsumunt, illos non tam honorarios quàm debito-  
res Tuis Maioribus obligatissimos aduenire: non quòd sperent luci Domus  
Olesniciana à luminaribus umbra Academica aliquid addi posse; sed quòd  
illis turpissimum sit quantum ab O L E S N I C I I S acceperit Academia*



non profiteri. Quanquam & Illustrissimorum Parentum Tuorum gra-  
uissima omnino in Academiam hanc extitit propensio & beneuolentia :  
quam tunc testati sunt cumulatissimè, cum Te Illustris & Generose Domi-  
ne tenerimè dilectum à sinu & complexu suo abstrahi passi sunt, educa-  
tioniq; Académica commiserunt : ut quemadmodum paruus Telemachus  
dolorem matris Penelopes ob absentiam Vlyssis solabatur : ita Mater ista  
virtutum & studiorum Academia Prudentissimo Reip. Polonæ Vlysse  
(quidni enim ita Atauum Tuum, ob summam in bono publico promouendo  
felicitatem appellem) fato communi mortalitatis sublato, Te suum habe-  
ret Telemachum, Magni Atai prudentia, pietatis, amoris in Remp.  
magnanimitatis, fortis animi, aliorumq; mentis honorum heredem. Quem  
quidem quoties illa intuetur, toties ex his & pulcherrimis tui corporis li-  
neamentis, & oculorum gratissimi aspectus genio, & morum in tantilla  
ætate adulta maturitate, & studiorum honestissimorum amore, magnum  
quiddam de Te Patriæ, Ecclesiæ, Inclytæ Prosapiæ, sibi quoque ipsi certò  
non vana Vates (ò Numen supremum faxit) auguratur. Accipe igitur  
ex recessu Academico à Tuis ornato Maioribus, sidera orientia, & si eccli-  
psis aliqua paucis istis inest versiculis, Tu de Tuo hoc est Olesnicians Do-  
mus in Academiam affectu, quasi ex quodam lucis fonte adde, & tene-  
bras nostras dispelle : atq; Reip. Ecclesiæ, Inclytæ Domui Tux, Academia,  
Ciuis, Propugnator, Ornamentum, Defensor & memor filius quanto-  
cùnq; adolefce.

Illustri & Generosæ D. Tux

Deuotus & obsequi  
paratissimus

Simon Hyacinthus Kostrzewowski,  
Prima Laureæ Candidatus.



gratia:  
romi-  
luca-  
chus  
ista  
yffe  
endo  
abe-  
emp.  
uens  
is li-  
tilla  
um  
ertò  
itur  
ccli-  
Do-  
ene-  
nia,  
nto-

# SOLI SIDERVM PRINCIPI,

Almæ Matri Academiae,

*Melos Votivum.*



Ilecta magnæ filia Palladis,  
Quam delicato in pectore Apollinis  
Fouère ludentem Camænæ, &  
Purpureos stupuère vultus.  
Cæleste pignus, flos sapientiæ,  
Propago Diuûm, delictum poli,  
O lumen Arctoum, fauensque  
Sarmaticæ Cynosura genti.  
Quin ipse fallor; Sol Iagelonico es  
Splendens Olympo, Sol Academia,  
Cui nostra debent astralucem  
Quâ geminus renitescit orbis.  
En Laureati fidera luminis,  
Pulli tenelli, prima scientiæ  
Et lecta pubes, cui recentes  
Fronte virent, fluitantque lauri.  
Deuota Magnum sollicitat Deum,  
Supplexque votum fundit ad æthera,  
Vt luce maternâ pusillum  
Irradies foueasque partum.  
Sol ergò nobis esto serenior,  
Stillesque cælo mella liquentibus  
Deducta riuis, fer tuisque  
Laurigerum diadema natis.

ski,

*V. D. CHRISTOPHORO TYLISZOWSKI.*

**D**Vx eruditi luminis TYLISZOVI,  
Princepsque sidus, quem beato munere  
Multum beavit aureum germen Iouis.  
Felix nouenæ stella turbæ præuia,  
Te laureatus eruditorum chorus,  
Et illa nuper orta Musis sidera,  
Phæboque grata, fontibusque melleis,  
Vbi sacrata cum Parente Castalis  
Liquore labra proluit clientium,  
Fluore pectus, aureoque flumine  
Perfundit ora, dulce concinens melos,  
Primum saluant Principem; caue proin  
Ne celsa cum dantur Tibi, situ velis  
Iacere nomen, interire gloriam,  
Et fertili campo implicare carduos  
Imò iubar, decusque Stoæ candidum,  
Illam tui castissimam vim pectoris,  
Et fulgidum grandi Sophorum lumine  
Lumen propaga, sic Polo TYLISZOVI  
Sidus perenne germinabis sidera.

*V. D. ALBERTO SROMIKOWIC.*

**E**T tu Palladio SROMIKOVI polo  
Ornatus, viridis lumine Laureæ  
Succedis, radios spargere gestiens  
Per fontes sapientiæ.

Applau-



Applaudo Cytharâ; curre ferenior,  
Assensere meis numina vocibus.

Ter cælum intonuit, sanctaque Fauſtitaſ  
Miscet lilia floribus.

Felix purpureo nomine diceris;  
Nomen purpureus namque pudor tibi  
Donauit, roseam & fronte modestiam

Largus constituit polus.  
Hic magni color est proditor ingenî, &  
Talem Phœbus amat mentis adorem,  
Plaude ergo manibus, namque Academicæ  
Fies delictum lyræ.

*V. D. FRANCISCO MLYNARSKI.*

**F**Allor? an cælo virides corollæ  
Et recens natæ dominantur Orbi  
Gratiæ, vernas referuntque stellæ in  
Vertice lauros.

Candidum sidus gelido Trioni  
Candidos sparsit radios, venusto  
Ore, Cyrrhæos latice lyræque  
Gaudia pangens.

Stella MLYNARSCI niueos volantis  
Pegasi fontes, Aganippidumque  
Esse do lustrat radiante ripam, &  
Limina Phœbi.

Namque ei nectar roseis labellis  
Musa stillauit, lyricoque plausu

*Imbuit*



Imbuit plectrum, Cytharamque dextro  
Pollice prescit.

Hic Tuam cures micuisse lucem,  
Solis auratas ubi nos quadrigas  
Axe spectamus super erudito  
Dulcè volantes.

V. D. NICOLAO KOZVCHOWIC.

**E**N iam renascens priscus ille gloria  
Feruor, beata sæcula  
Rursum feraci posteris fundit sinu,  
Repullulantque laureæ.  
En castra plena militum scientiæ,  
Cohorsque Palladis ruit.  
Iam crebra fulgent sidera in mundi decus,  
Micantque flammæ præpetes.  
Et tu coruscas aureum KOZVCHOVI  
Sidus Trione splendido.  
Nouella tanquam lilia, & fragrans rosa,  
Velutque Myrthus textilis.  
Teflos venustus oris, & modestiæ  
Amica Pallas, Delphicâ  
Lauro coronant, atque dotes ingeni.  
Amorque flagrans artium.  
Hinc auguror Vates, futurum te breui,  
Sidus Mineruæ nobile.



**R** Ident sidera, floribusque pictum  
Illuxit decus; assequar Pòëta.  
Quidnam purpurei velint rubores,  
Portendantque polo igneæ cohortes.  
Per lenes igitur ferar recessus,  
Et cælos penetrans sereniores,  
Et flammæ populis fauentiores,  
Arces, oppida, rura, ciuitates,  
Lustrabo celeri effedo Notorum.  
Sed quo me rapis ô furor beate?  
Fallor; nam roseo nitent colore  
Dulces deliciæ Camœnularum,  
Scintillantque polo aureæ coronæ,  
Quas nuper manibus Thalia pressit.  
Nosco lumina Palladis Polonæ;  
En lux A R C Z E V I I micat serena,  
Frontis, pectoris, oris eruditi.  
E cuius genio politiori  
Prorumpunt fluuij, pluuntque mella, &  
Nimbo diuite roscidi liquores.  
Quem vos Pegasides rosis beate.  
Lauro tempora lilijque circum



Fundentes, magis vt polo coruscet  
Qui nunc laurigero coruscat orbe.

V. D. ALBERTO ZGŁOBICKI.

**R**ecens Lycæo sedibusque Musarum  
Procedis astrum Z G Ł O B I C I, recessusque  
Suadæ profundos, gemmeasque templorum  
Et fulgurantùm porticus platearum  
Præcinctus hinc & hinc Apollinis lauro.  
Splendore lustras aureo, triumphanti  
Tu dedicate chordulis Camænarum,  
Clarumque sidus litterariæ palmæ,  
Et Tulliani pulchra nectaris fama,  
Sublime Maiestatis arduæ limen  
Celsamque sedem Palladis, refulgenti  
Dum scandis ortu, gloriæque vis primam  
Viam quadrigis ingredi coronatis,  
Io triumphæ, Pegasi intonant ciues,  
Cohorsque sacra, & regna Apollinis plaudunt,  
Zglobiciani pectoris serenata  
Luci beatis atque dotibus Consi.

V. D.

V. D. ALBERTO KANSKI.

**T** Er Pæan, ter Io, ter Euge rursùm  
Et rursùm ter Io ter Euge Pæan  
Castis sedibus intonant Camenæ,  
Et plectrum, cytharam, lyramq; pullant.  
Exultant hilares canore valles,  
Acceptos numeros nemus remittit,  
Cantu nectareo loquuntur agri,  
Dum sidus nitidum coruscat orbi  
Doctorem, niueiq; KANSKIANI  
Fontes eloquij scaturiente  
Protumpunt fluuio, medulla Suadæ  
Cuius mellifluo sedet palato.  
Ter Pæan igitur canemus & nos,  
Et læto calamos sonare cantu  
Informabimus, vt tuo lepori  
Narcissum, violas, rosas, acanthum,  
Et ver purpureum, fauosq; mellis.  
Mellitissima verba Gratiarum  
Adiungant roseo fluore linguæ.

V. D. VALENTINO SĄDKOWSKI.

**S** Idera cū niteant sublimi Heliconis Olympo,  
Tu quoq; SĄDKOWI lumina sparge tua.



Adspice quàm geminas iaculatur Cynthius umbras,  
Cunctaq; quàm surgunt sidera parte videt.  
Purpuream speculari facem, Sophiæq; Senatum,  
Et quascunq; sacer fert Academicus opes  
Æthereas animas testor, cytharamq; canentem  
Te studio Clarium conciliasse Deum!  
Nam quoties doctos video fluxisse liquores  
Ore tuo, toties dulcia mella puto.  
Grande tuæ pretium mansuraq; gloria Musæ,  
Exsuperat cytharæ fila remissa meæ.

V.D. NICOLAO IEZIERKIEWICZ.

**E** Mensa cæli Musæ Academici  
Flammas nitentes, restat eburneo  
Canenda plectro stella nuper  
Cui rosei micuere vultus.  
Fauete chordæ; vim patitur polus;  
Deducta Olympo sidera terreis  
Fulgore sedibus coruscant,  
Luce nouâ, nituitq; tellus.  
Portenta mundi; fert Helicon faces  
Cælo Sacratas, dissiluit graue  
Pondus fatigati iam Atlantis,  
Et Clarius regit astra vates.

as,

Præstans Olympum vince IEZIER KIEVI  
Luce eruditâ; Nam Tibi splendidos  
Solis recessus siderumque  
Vrania referauit ardor.

Fecere celsi Te sibi cardines  
Domusq; lucis delictum; proin'  
Agmen coronatæ cateruæ  
Claude polo, faueasq; Musis.

---

V.D. SIMONI HYACINTHO KOSTRZE-  
WOWSKI. Artium & Philosophiæ Candidato.

CHRISTOPHORVS TYLISZOWSKI, Eiusdem  
Laureæ Candidatus applaudit.

**V** Ere nouo viridi decorata hæc sidera lauro  
Non miror; fuerat laurus & ipsa domi.  
Crescentis lauri locus est mons, mons Hyacinthi  
Dic aliud quidnam nomina vestra ferunt?  
Crede mihi I: tantum demas, S transfer, & es Mons:  
Quem primò radijs nutrit Apollo suis  
Laurifer I: cupio Mons montibus altius altis  
Et Tibi non noceant fulmina dira mali.





Sub felicibus auspiciis

*Perillustris Admodum Rñdi & Magnif. Dñi*

**IACOBI VITELLII,**

**Canonici Ecclesiæ Cathed: Crac.**

**S. Th Doct. eiusq; Facultatis Decant,**

**RECTORIS ACADEMIÆ**

**Vigilantissimi,**



**PROCANCELLARII**

**Dignissimi.**



CRACOVIAE

*In Officina Typografica Francisci Cæsarij,  
S. R. M. Typographi.*



CRACOVIA

1801  
C. R. 12





